

REGLUGERÐ

um (12.) breytingu á reglugerð nr. 560/2014 um gildistöku reglugerðar framkvæmdastjórnarinnar (EB) nr. 798/2008 um skrár yfir þriðju lönd, yfirráðasvæði, svæði eða hólf, þaðan sem leyfður er innflutningur til Bandalagsins og umflutningur um Bandalagið á alifuglum og alifuglaafurðum, og um kröfur vegna heilbrigðisvottana fyrir dýr og dýraafurðir.

1. gr.

Við 1. gr. reglugerðarinnar bætist nýr töluliður, 49. tölul., svohljóðandi:

49. Framkvæmdarreglugerð framkvæmdastjórnarinnar (ESB) 2019/298 frá 20. febrúar 2019 um breytingu á I. viðauka við reglugerð (EB) nr. 798/2008 að því er varðar færslurnar fyrir Belarús (Hvíta-Rússland), Bosníu og Hersegóvínu og Japan í skránni yfir þriðju lönd, yfirráðasvæði, svæði eða hólf þaðan sem leyfður er innflutningur til Sambandsins eða umflutningur um Sambandið á tilteknum alifuglavörum.

2. gr.

Framkvæmdarreglugerð framkvæmdastjórnarinnar, sem nefnd er í 1. gr., er birt sem fylgiskjal við reglugerð þessa.

3. gr.

Reglugerð þessi er sett með heimild í lögum nr. 93/1995 um matvæli, lögum nr. 54/1990 um innflutning dýra og lögum nr. 25/1993 um dýrasjúkdóma og varnir gegn þeim, öll með síðari breytingum. Reglugerðin öðlast þegar gildi.

Atvinnuvega- og nýsköpunarráðuneytinu, 18. mars 2019.

Kristján Þór Júlíusson
sjávarútvegs- og landbúnaðarráðherra.

Iðunn Guðjónsdóttir.

Fylgiskjal.**FRAMKVÆMDARREGLUGERÐ FRAMKVÆMDASTJÓRNARINNAR (ESB) 2019/298**

frá 20. febrúar 2019

um breytingu á I. viðauka við reglugerð (EB) nr. 798/2008 að því er varðar færslurnar fyrir Belarús (Hvíta-Rússland), Bosníu og Hersegóvínu og Japan í skránni yfir þriðju lönd, yfirráðasvæði, svæði eða hólf þaðan sem leyfður er innflutningur til Sambandsins eða umflutningur um Sambandið á tilteknum alifuglavörum

(Texti sem varðar EES)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun ráðsins 2002/99/EB frá 16. desember 2002 um heilbrigðisreglur um framleiðslu, vinnslu, dreifingu og aðflutning á afurðum úr dýraríkinu til manneldis ⁽¹⁾, einkum 8. gr. (inngangsörð), 8. gr. (fyrsta undirgrein 1. liðar), 8. gr. (4. liður) og 9. gr. (c-liður 4. mgr.),með hliðsjón af tilskipun ráðsins 2009/158/EB frá 30. nóvember 2009 um skilyrði á sviði heilbrigðis dýra sem hafa áhrif á viðskipti innan Bandalagsins með alifugla og útungunaregg og á innflutning þeirra frá þriðju löndum ⁽²⁾, einkum 23. gr. (1. mgr.), 24. gr. (2. mgr.) og 25. gr. (2. mgr.),

og að teknu tilliti til eftirfarandi:

- 1) Í reglugerð framkvæmdastjórnarinnar (EB) nr. 798/2008 er mælt fyrir um kröfur um heilbrigðisvottanir fyrir dýr og dýraafurðir vegna innflutnings til Sambandsins og umflutnings gegnum það, þ.m.t. geymslu á meðan á umflutningi stendur, á alifuglum og alifuglaafurðum (hér á eftir nefndar vörurnar). Þar er kveðið á um að vörurnar megi einungis flytja inn til Sambandsins og umflytja gegnum það frá þeim þriðju löndum, yfirráðasvæðum, svæðum eða hólfum sem skráð eru í 1. og 3. dálk töflunnar í 1. hluta I. viðauka við hana.
- 2) Í færslunni fyrir Belarús (Hvíta-Rússland) í töflunni í 1. hluta I. viðauka við framkvæmdarreglugerð framkvæmdastjórnarinnar (ESB) 2015/2258 er einungis vísað til leyfis fyrir umflutningi á eggjum og eggjaafurðum gegnum Litáen (Lietuva) en alifuglakjöti er sleppt. Á sama tíma er umflutningur á eggjum, eggjaafurðum og alifuglakjöti gegnum Litáen (Lietuva) leyfður í 2. mgr. 18. gr. reglugerðar (EB) nr. 798/2008 og í viðbótarábyrgðum í færslunni fyrir Belarús (Hvíta-Rússland) í 5. dálki töflunnar í 1. hluta I. viðauka við þá reglugerð. Þess vegna ætti að breyta færslunni fyrir Belarús (Hvíta-Rússland) í töflunni í 1. hluta I. viðauka við reglugerð (EB) nr. 798/2008 til að vísað sé til umflutnings á eggjum, eggjaafurðum og alifuglakjöti.
- 3) Bosnia og Hersegóvína hefur farið fram á leyfi til innflutnings til Sambandsins og umflutnings gegnum það á alifuglakjöti og hefur lagt fram viðeigandi upplýsingar. Framkvæmdastjórnin lét fara fram úttekt í Bosníu og Hersegóvínu til að meta dýraheilbrigðiseftirlit sem er fyrir hendi m.t.t. alifuglakjöts sem er ætlað til útflutnings til Sambandsins. Í ljósi hagstæðra niðurstaðna úr úttektinni er rétt að færa það þriðja land inn í töfluna í 1. hluta I. viðauka við reglugerð (EB) nr. 798/2008.
- 4) Japan hefur farið fram á leyfi til innflutnings til Sambandsins og umflutnings gegnum það á eggjum og eggjaafurðum og hefur lagt fram viðeigandi upplýsingar. Framkvæmdastjórnin lét fara fram úttekt í Japan til að meta dýraheilbrigðiseftirlit sem er fyrir hendi m.t.t. eggja og eggjaafurða sem eru ætluð til útflutnings til Sambandsins. Í ljósi hagstæðra niðurstaðna úr úttektinni er rétt að færa það þriðja land inn í töfluna í 1. hluta I. viðauka við reglugerð (EB) nr. 798/2008.
- 5) Japan hefur lagt varnaráætlanir sínar vegna salmonellu í hópum varphæna af tegundinni Gallus gallus fyrir framkvæmdastjórnina. Í ljós kom að þessar áætlanir veita ábyrgðir, sem eru jafngildar ábyrgðunum sem settar eru fram í reglugerð Evrópuþingsins og ráðsins (EB) nr. 2160/2003, og þær voru samþykktar. Þess vegna ætti að veita Japan leyfi til að flytja egg í A-flokki inn í Sambandið og í færslunni fyrir Japan í töflunni í 1. hluta I. viðauka við reglugerð (EB) nr. 798/2008 ættu ekki að vera neitt bann í tengslum við þá vöru.
- 6) Því ætti að breyta I. viðauka við reglugerð (EB) nr. 798/2008 til samræmis við það.
- 7) Ráðstafanimar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

SAMÞYKKT REGLUGERÐ ÞESSA:

1. gr.

Ákvæðum 1. hluta I. viðauka við reglugerð (EB) nr. 798/2008 er breytt í samræmi við viðaukann við þessa reglugerð.

⁽¹⁾ Stjtið. EB L 18, 23.1.2003, bls. 11.⁽²⁾ Stjtið. ESB L 343, 22.12.2009, bls. 74.

Nr. 277

18. mars 2019

2. gr.

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.
Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel,

*Fyrir hönd framkvæmdastjórnarinnar,
forseti.
Jean-Claude JUNCKER*

VIÐAUKI

Ákvæðum 1. hluta I. viðauka við reglugerð (EB) nr. 798/2008 er breytt sem hér segir:

1) Eftirfarandi færsla fyrir Bosníu og Hersegóvínu komi á milli færslunnar fyrir Ástralíu og færslunnar fyrir Brasilíu:

ISO-kóði og heiti þriðja lands eða yfirráðasvæðis	Kóði þriðja lands, yfirráðasvæðis, svæðis eða hólfis	Lýsing á þriðja landi, yfirráðasvæði, svæði eða hólf	Heilbrigðisvottorð fyrir dýr og dýraafurðir		Sérstök skilyrði	Sérstök skilyrði		Staða eftirlits vegna fugla-inflúensu	Bólusetningarstaða vegna fugla-inflúensu	Staða varna gegn salmonellu ⁶⁾
			Fyrirmynd(ir)	Viðbótar-ábyrgðir		Loka-dagsetning ⁽¹⁾	Upphafsdagsetning ⁽²⁾			
1	2	3	4	5	6	6A	6B	7	8	9
„BA — Bosnia og Hersegóvína	BA-0	Landið allt	POU“							

2) Í stað færslunnar fyrir Belarús (Hvíta-Rússland) komi eftirfarandi:

ISO-kóði og heiti þriðja lands eða yfirráðasvæðis	Kóði þriðja lands, yfirráðasvæðis, svæðis eða hólfis	Lýsing á þriðja landi, yfirráðasvæði, svæði eða hólf	Heilbrigðisvottorð fyrir dýr og dýraafurðir		Sérstök skilyrði	Sérstök skilyrði		Staða eftirlits vegna fugla-inflúensu	Bólusetningarstaða vegna fugla-inflúensu	Staða varna gegn salmonellu ⁶⁾
			Fyrirmynd(ir)	Viðbótar-ábyrgðir		Loka-dagsetning ⁽¹⁾	Upphafsdagsetning ⁽²⁾			
1	2	3	4	5	6	6A	6B	7	8	9
„BY – Belarús (Hvíta-Rússland)	BY-0	Landið allt	EP, E, POU (allar þrjár einungis vegna umflutnings gegnum Litáen (Lietuva))	IX“						

3) Eftirfarandi færsla fyrir Japan komi á milli færslunnar fyrir Ísland og færslunnar fyrir Lýðveldið Kóreu:

ISO-kóði og heiti þriðja lands eða yfirráðasvæðis	Kóði þriðja lands, yfirráðasvæðis, svæðis eða hólfis	Lýsing á þriðja landi, yfirráðasvæði, svæði eða hólf	Heilbrigðisvottorð fyrir dýr og dýraafurðir		Sérstök skilyrði	Sérstök skilyrði		Staða eftirlits vegna fugla-inflúensu	Bólusetningarstaða vegna fugla-inflúensu	Staða varna gegn salmonellu ⁶⁾
			Fyrirmynd(ir)	Viðbótar-ábyrgðir		Loka-dagsetning ⁽¹⁾	Upphafsdagsetning ⁽²⁾			
1	2	3	4	5	6	6A	6B	7	8	9
„JP — Japan	JP-0	Landið allt	EP, E“							